

# GAED BLONG STRET FASIN BLONG SEFTI LONG ROD



## **STAP OLTAEM LONG LEFSAED**

- Long Niu Silan yu mas draeva long lefsaed blong rod oltaem.

## **SIT BELT**

- Eriwan long trak i mas **werem sit belt** o **strap blong holem taet pikinini**.
- Sapos yu no werem sit belt yu save **faen \$150**.

## **BITIM NARAFALA TRAK**

- Bifo yu bitim narafala trak yu mas luksave se rod long fored i klia long 100 mita o moa.
- Sapos i gat wan yalo laen we i no brokbok long saed long laen long midel rod, mo yalo laen ia hemi stap long saed blong yu, yu mas **neva** krosem.

## **SPID BLONG DRAEVA**

- Yu mas folem ol stret spid we ol saen oli talem.
- Sapos yu bitim ol stret spid ia, yu save **faen kasem \$630**.

## **NOGUD YU NO LUKLUK GUD – MOBAEL FON**

Yu no mas yusum fon we yu holem long han taem yu draeva.

**Faen = \$150**

## **PLES WE ROD I MIT**



Taem yu luk wan saen blong stop, yu mas stop fulwan mo letem ol trak long narafala rod oli pas.

**Faen = \$150**



Taem yu luk wan saen blong "give way", yu mas letem ol trak long rod we i joenem rod blong yu oli pas fastaem. Mo sapos yu rere blong tan, yu mas letem ol trak we oli no tan oli pas fastaem.

**Faen = \$150**



Long ol raondabaot, yu mas letem ol trak long raet saed blong yu oli pas fastaem. Yu mas raonem randabaot long sem daereksem olsem han blong klok.

**Faen = \$150**

### **PLES WE TREN I KROSEM ROD**



Long ples ia yu mas STOP mo lukluk long tugeta saed bifo yu go kros.



Kaen ia hemi klos hem wan taem wan tren i stap kam klosap. Be yu mas lukluk gud yet.



Sapos ol laet oli on mo ded, ol bel oli ring mo ol han blong fanis oli stat muv i go daon, yu mas stop.

### **STOP BLONG POLIS O EMEJENSI SEVIS I PAS**

- Polis – Red mo Blu Laet
- Ambulans – Red mo waet
- Faea – Red mo waet

Sapos wan long ol trak ia i folem yu mo hemi yusum laet mo/o wisel, muv i go long lefsaed, mo sapos hemi wan trak blong Polis yu stop semtaem. **Faen = \$150**

### **OL RUL BLONG LAESENS DRAEVA**

- Taem yu draeva, yu mas holem oltaem wetem yu laesens draeva we hemi no ekspaea.
- Afta we yu bin stap 12 manis long Niu Silan, yu mas karem wan laesens draeva blong Niu Silan.

### **DRING MO DRAEVA**

Oi loa blong Niu Silan long saed long dring mo draeva oli olsem:

- Anda 20 yia -Sapos yu no kasem 20 yia, rul blong yu hemi "zero dring".
- 20 yia o ova - Yu no mas draeva sapos yu bin tekem dring we hemi bitim amaon we loa hemi talem.
- Eni amaon blong dring i save afektem save blong yu blong draeva.

**Long Niu Silan sapos oli kasem yu we yu dring mo draeva, faen hemi stat long \$250 kasem \$4500**

### **AKSIDEN**



- Stop, jek blong meksua se evriwan hemi oraet, eksjenjem nem mo adres blong yufala.

**ADVAES – Meksua se yu gat insurans we hemi “3<sup>rd</sup> party” o moa bifo yu draeva.**